

Norsk institutt for naturforskning
Postboks 5685 Torgarden
7485 Trondheim

Trondheim, 31.07.2019

Dykkar ref.:
[Dykkar ref.]

Vår ref. (bes oppgitt ved svar):
2019/9257

Sakshandsamar:
Karen Lone

Løyve til innfangning, flytting og innsetting av fjellrevkvalpar i avlsstasjon for fjellrev

Norsk institutt for naturforskning (NINA) ved Arild Landa gjevast løyve til å fange inn inntil 2 fjellrevkvalpar i Nordland og Troms fylke, samt å flytte og sette kvalpane inn i avlsstasjonen for fjellrev på Oppdal.

Bakgrunn

Syner til munnleg søknad frå NINA ved Arild Landa 17. juli 2019, samt skriftleg søknad til Miljødirektoratet 25. juli 2019, om levandefangst av fjellrevkvalpar for å styrke avlsarbeidet ved avlsstasjonen for fjellrev. Aktuelle stader for innfangning er to hi i Indre Troms og eit hi i Børgefjell i Nordland fylke.

Vurdering

Søknaden er behandla etter forskrift 14. mars 2003 om innfangning og innsamling av vilt for vitenskapelige eller andre særlege formål, jf. også lov 19. juni 2009 om forvaltning av naturens mangfold (naturmangfoldloven), § 18 f, samt forskrift 23. januar 2015 om fjellrev (*Vulpes lagopus*) som prioritert art. Etter naturmangfoldloven § 7 skal prinsippa i loven §§ 8 til 12 leggest til grunn som retningslinjer ved utøving av offentleg mynde. Offentlege avgjerder som kan få følgjer for naturmangfoldet skal så langt det er rimeleg byggje på eksisterande og tilgjengeleg kunnskap om artars bestandssituasjon samt effekten av påverknad, jf. naturmangfoldloven § 8.

Avlsstasjonen vart oppretta i 2005 og har som formål å avle fram fjellrev for seinare utsetting i område der arten er utdøydd eller er fåtalig. Kvart år produserast 30 - 70 kvalpar for utsetting, noko som gjev eit monaleg bidrag til den ville fjellrevbestanden. Avlsprogrammet fungerer også som ein buffer mot tap av genetisk variasjon. Dei fyrste avlspara er henta som kvalpar frå alle restbestandene av fjellrev, og gjenspeiler heile den genetiske variasjonen hos fjellrev i Skandinavia. Planmessig utsetting vil derfor også bidra til å auke genetisk utveksling og motvirke genetisk isolasjon. Direktoratet vurderer §§ 9, 11 og 12 som ivaretatt i kraft av formålet med avlsstasjonen og vilkåra i løyvet.

Dei positive verknadane av avlsarbeidet for fjellrevbestanden gjev grunnlag for å dispensere frå det generelle forbodet mot einkvar form for uttak av fjellrev, jf. § 3 i forskrift 23. januar 2015 om fjellrev (*Vulpes lagopus*) som prioritert art. Miljødirektoratet dispenserer frå § 3 med heimel i § 6 i same forskrift, når det her innvilgast løyve til innfanging.

Løyve

Med heimel i forskrift 14. mars 2003 om innfanging av vilt for vitenskapelige eller andre særlige formål, gis NINA ved Arild Landa løyve til innfanging, flytting og innsetting av inntil to - 2 - fjellrevkvalpar frå Nordland og/eller Troms fylker til avlsstasjonen for fjellrev på Oppdal.

Følgande vilkår gjeld for løyvet

- Løyvet gjeld frå 5. august til 28. september 2019, og gjeld innfanging av inntil to fjellrevkvalpar frå Dividalen i Troms fylke og Børgefjell i Nordland fylke.
- Arild Landa gjevast fullmakt til å la andre utføre fangsten på sine vegne. Fullmakta til å utføre fangsten skal vere skriftleg og syne til dette løyvet. Dette løyvet, samt evt. fullmakt, skal alltid tas med under fangst/merking.
- Det er ein føresetnad at innfanging og bruk av fangstreiskapar gjerast av personar som har nødvendig opplæring for innfanging og merking av fjellrev.
- Alle nødvendige løyve frå Mattilsynet og aktuelle vernemyndigheitar må liggje føre før innfanging tar til.
- Fangst må koordinerast av SNO/Fjelltjenesten og grunneigarar, kommunar og lokal politistasjon eller lensmannskontor skal varslast før aktiviteten finner sted. Det skal opplysast om kva løyvet omfattar av tid og sted for aktiviteten, jf. forskrifta § 5 *Varsling til grunneier, kommune og politimyndighet*.
- Ein kortfatta oppsummering av resultatet frå fangsten og andre vesentlege hendingar relatert til innfanginga og transporten skal rapporterast til Miljødirektoratet i årleg rapport frå Avlsprogrammet for fjellrev.

Klagerett

Vedtaket kan klagast til Klima- og miljødepartementet innan 3 veker frå dette brevet er mottatt, jf. forvaltningslova §§ 28 og 29. Klagen skal grunngjevast og sendast til Miljødirektoratet.

Helsing
Miljødirektoratet

Dette dokumentet er elektronisk godkjend

Knut Morten Vangen
seksjonsleder

Karen Lone
rådgiver

Tenk miljø - vel digital postkasse frå e-Boks eller Digipost på www.norge.no.